

Information po parent ane carer

Queensland Engagement and Wellbeing Survey

Watpo mipla meke dis survey?

Mipla sabe wiskain pikinini api po go skul ane wiskain em mixs wea ebribodi e prapa important pat blo skul. Da Department ane da skul e lukraun po wei po gede mo information baut dem impotant area sodat mipla sapot ol dem pikinini wea da best wei.

The Queensland Engagement and Wellbeing (QEW) Survey bin meke dis survey po find out wanem dem state skul student e tingbaut wiskain dempla api po go skul ane wiskain dempla mixs wea ebribodi. Dis survey go tell mipla baut wiskain pikinini e api po go skul ane wiskain em mixs wea ebribodi. Dis information go laue mipla po gibe beta sapot po student and wanem dempla nidem.

Wanem taim dat survey e go apen?

Da QEW survey e apen ebri yia lo Wik 1 to 4 blo Term 2

Da skul go choose da best date wea dat month po meke da survey.

So wanem dis survey baut?

Dis survey go find out dipren ting baut wiskain pikinini api po go skul, wiskain em mixs wea ebribodi ane wanem apen po em wea da skul. Em go gad diskain question baut:

wen tings e hard ip skul e gad gud piling em pil pat blo
da skul
ubi po win ane kip go nomata em pil em gud student
mixs gudwei wea pipol api baut laip
wanem wande do wea laip helth blo em
em get on wea meit blo, dem tisa ane pamle blo em

Wanem go apen wen dem student meke dis survey?

Dem tisa elpe dem student po do dis survey online wea klas taim. Em go teik 30 minit po pinisem. Ip pikinini blo yu go nid extra sapot, dem tisa or sapot pipol e de po elpe em.



Pikinini blo yu mas do dis survey a?

Em ken do da survey onli ip em wandem. Ip da pikinini no wande do dis survey em no go stape any nada pat blo em edukeisan. Bipo da survey go stat dempla go aske pikinini blo yu ip em wande do da survey. Em ken stap eni taim em wande stap o stap meke da survey. **Ip yu no wande pikinini blo yu po do da QEW Survey, pliz spik po da skul.** Ip yu no wande em po do da survey em mait stil gede email, bat em kan do da survey anles em gad password.

Wiskain dempla go kipe da information baut pikinini blo yu sikret?

Dempla go kipe da information prom dis survey sikrit. Onli da pipol insaid da Queensland Department of Education go sabe uda dem student uda bin do da survey. Da Queensland Department of Education e gad spesil rule dempla mas polo baut dis information. Dempla kolekt dis information wea dem rule blo da Educational General Provisions Act (2006) ane da Information Privacy Act (2009).

Wiskain dempla go raitem daun dem ansa blo da student?

Dempla no go libe da neim blo da student wea ansa blo em. Ol dem ansa go kambaik po da skul bat go bi pat blo dempla year level ripot. Dem ansa wanem e kambaik po da skul no go gad eni name.